



**PAROKIA CRISTO REY**  
**Bisdóm Willemstad**  
**Brasil, Aruba**

**1955 - 2005**

2962

BIBLIOTECA NACIONAL ARUBA



3 0993 00293 832 2





## Mensahe

CENTRO PASTORAL ARUBA  
Santa Cruz 37, Aruba



Apreciable Parokianonan,

Awor cu e parokia di Brazil ta celebra su 50 Aña di existencia, ta bon pa recorda cu durante mas cu un siglo padernan di orden di San Dominico a traha na nos islanan. Y te ainda tin algun pader na Antiyas y Aruba, aunke nan number a baha drasticamente.

E orden religioso aki a keda funda pa San Dominico de Guzman na aña 1216. Su carisma ta e predicacion, cual tin cu brota fo'i contemplacion di Dios su palabra, pa medio di estudio y oracion. Su lema ta: "contemplata aliis tradere", kemen: pasa pa otro loke bo a contempla.

Den e tempo di San Dominico tabatin hopi falta di predicador; asta basta obispo no tabata cumpli cu e tarea ei. Y e doctrina sano di Iglesia Catolico a keda hopi ataca pa doctrinan falso. P'esei Dominico a funda su orden di O.P. (Ordinis Praedicatorum: di orden di Predicadornan).

Na aña 1871 Papa Pio IX - e prome Consilio Vaticano a caba di sera - a pidi e provincia Hulandes di orden Dominicano pa e procura pa e mision na Antiyas Hulandes.

Desde e tempo ei a bini padernan di San Dominico fo'i Hulanda, aunke algun si a nace na Antiyas y Aruba. Nan tabata Mgr. A. v.d. Veen-Zeppenfeldt, p. L. Kranwinkel y p. R. Josepha. Na aña 1880 e prome pader di e orden a yega Aruba, esta pader Jacobus van Baars. Despues a bini regularmente padernan nobo. Den añanan 60 di siglo pasa tabatin un sesenta pader di San Dominico na Antiyas! Ora mi a yega Aruba, na 1968, tur parokia di Aruba tabatin como pastor un miembro di e orden, cu excepcion di San Nicolas (p. A. Heillegger). L. Kranwinkel O.P. tabata pastor na Paradera. Pader Grove O.P. a lanta e parokia di Brazil na 1955. Te cu 1985 un pader Dominicano (no di isla di Santo Domingo!) tabata pastor, cu excepcion di W. Ellis, un sacerdote diocesano of seglar, cu pa un periodo cortico tabata wardador na e parokia.

Manera mi a menciona caba, e number di pader Dominicano a bira hopi chikito. Actualmente tin 3 na Aruba y 4 na Curacao. Na Aruba e padernan ta traha den y fo'i e Centro Pastoral na Santa Cruz. Nan no ta traha pa un parokia en particular, ma pa Aruba en general: via e medianan di comunicacion, pa medio di encuentronan pa famia, scol di evangelisacion, Legion di Maria, Renobacion Carismatico y programanan di Bijbel, catekesis, etc. nan ta sigui cu e ideal di San Dominico. Como representante di tur pader Dominicano mi ti dirigi un felicitacion cordial na henter parokia di Brazil. Mi ta dese'e cu e bira comunidad berdadero den Señor y mi ta spera cu un dia fo'i su yiunan lanta un sacerdote. Kisa un pader Dominicano.

P. Wijbe Fransen O.P.  
Representante di O. P.